

आपणो ढूँढाड़, आपणी संस्करति

साथण

जनवरी सूँ मारच-२०२२

कस्या भी निया काम की सुरुआत बडिया तरीका सूँ हैली, तो या मानल्यों के आधों काम तो हैग्यो। – प्लेटो

ढूँढाड़ी मैं सरकार की योजना

राजस्थान मुख्यमंत्री युवा संबल योजना क्या है?

राजस्तान मुख्यमंतरी युवा संबल योजना मै राजस्तान सरकार, पड्या-लिख्या बेरोजगार छोरा-छोर्या नै नोकरी न मलै जतरै वानै खरचा के तोड़ी पीसा देवै छै। यो बेरोजगार भत्तो देस का सगळा पड्या-लिख्या बेई छै। छोरा नै हर महना का 3000 रफ्या अर छोर्यां नै 3500 रफ्या भत्तो मलै छै।

राजस्तान मुख्यमंतरी युवा संबल योजना मैं कतरा पीसा मलै छै।

मनक पीसा

छोरा/मोटचार 3000 रूपए

<mark>छोरी/लुगाई</mark> 3500 रुपए

हिजड़ा 3500 रुपए

मुख्यमंतरी युवा संबल योजना २०२२ के तोड़ी जरूरी कागजात

आधार कार्ड जाति परमाण पत्तर बैंक खाता की सगळी जाणकारी बी. ए. की मारकसीट एक साल को आय परमाण पत्तर 10वीं कक्सा की मारकसीट

राजस्तान मै रहबा को परमाण पत्तर



राजस्तान मुख्यमंतरी युवा संबल योजना

- 1. योजना को लाभ ऊनै ही मलै लो ज्यों कोई सरकारी काम धन्धो कोनै लाग मेल्यो।
- <mark>2. राजस्तान का बेरोजगाराँ नै यो भत्तो जिसूँ</mark> देवै छै कै वो खुद का पगाँ पै खड़ो है सकै

अर कोई भी नोकरी हैर्र लाग सकै।

- 3. राजस्तान का एक लाख सूँ भी जादा बेरोजगार छोरा-छोरी ईं योजना को लाभ लेर्या छै।
- 4. राजस्तान का बेरोजगार छोरा/मोटचाराँ नै 3000 (तीन हजार) रफ्या अर छोर्यां/लुगायाँ नै 3500 (तीन हजार पान सो) रफ्या को लाभ देर्या छै।

ई योजना नै कुण ते सकै छै।

- 1. या योजना राजस्तान की छै जिसूँ लाभ लेबाळो राजस्तान को रहबाळो हैणो चाईजे।
- 2. अगर थे एक गरीब परिवार सूँ छो अर थाँका परिवार की कमाई 3 लाख सूँ कम छै तो थाँनै आय परमाण पत्तर देणो पडैलो।
- 3. मुख्यमंतरी युवा संबल योजना का फारम नै विकलांग (लूल्यो-लंगड़ो, काणो, बहरो, डूँडचो, आँधो), अनुसुचित जाति (SC), अनुसुचित जन-जाति (ST) लुगाई-मोटचार/ छोरा-छोरी भी भर सकै छै।
- 4. ईं योजना की सबसूँ खास बात या छै के ईंको लाभ लेबाळा कम सूँ कम बी. ए. पास हैणा चाईजे।
- 5. राजस्तान सरकार को खहबो छै कै ईं योजना को लाभ लेबाळा छोरा/मोटचार कम सूँ कम 21 सूँ 30 साल का अर छोर्यां/लुगायाँ 21 सूँ 35 साल की हैणी चाईजे।
- 6. अगर थाँको ब्याव राजस्तान का रहबाळा सूँ हियेड़ो छै अर थे राजस्तान मै ही रहर्या छो तो थे ई योजना को लाभ ले सको छो।
- 7. ईं योजना को लाभ एक परिवार <mark>मै सूँ दो जणा ही ले सकै छै।</mark>

मुख्यमंतरी युवा संबल योजना २०२२ लाभ अर खास बाताँ

- 1. ईं योजना को लाभ लेता-लेता नोकरी हेर सकै छै।
- 2. ईं योजना को लाभ राजस्तान मै रहबाळा सगळा बेरोजगार ले सकै छै।
- 3. ईं योजना सूँ राजस्तान का बेरोजगार छोरा/छोरी, अपणा दादा-जीजी सूँ सायता

लिया बना भी पडाई कर सकै छै।

- 4. राजस्तान का बेरोजगार खुद की जरूरताँ के तोड़ी कोई की आस करबा की जरूरत कोनै।
- 5. ईं योजना को लाभ लेबा कै तोड़ी फारम भरबाळा नै अपणौ नाम बेरोजगार दफ्तर मै दरज करवाबो जरूरी छै।
- 6. यो बेरोजगार भत्तो राजस्थान का छोरा/मोटचाराँ नै 3000 अर छोर्यां/लुगायाँ अर हिजडा नै 3500 रफ्या देवैला।
- 7. राजस्तान मुख्यमंतरी युवा संबल योजना राजस्तान मैं रहबाळा सगळा पडचा-लिख्या बेरोजगाराँ नै मलैलो।
- 8. यो भत्तो 2 साल तक ही मलै छै। अगर कस्या भी आदमी की 2 साल पूरा हैबा सूँ पहली नोकरी लागज्या छै तो फेर ऊँनै भत्तो कोनै मलै।

पेलयाँ

1. उजाड़ खण्ड मै काळ्यो बाबो हेला पाड़ै।

उत्तर: अंजन

2. म्ह छूँ छोरी भोळी ढाळी, हात मै लेबा की लागै चोरी।

बुजैला तो खुँली काँई, माँगैला तो घुँली काँई॥

उत्तर: ओळा

सम्पर्क

निर्माण सोसायटी

वार्ड नं. 6, तिकया मस्जिद के पास, काली हवेली के पीछे, देशवालियों का मोहल्ला, चाकसू, जयपुर, राजस्थान-303901 Ph.-01429-243997, 9982668204, 9887748510 Email- rajasthanlanguages@nirmaan.org.in Web- www.dhundari.org.in, www.nirmaan.org.in







